



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1624. usque ad annum 1627

Fleury, Claude

August. Vind. [u.a.], 1778

VD18 90118863

§. 90. Parisini Parlamenti contentio cum Clero Gallicano circa suppressam
Stampesii Censuram.

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

Sæc. XVII. A. C. 1625. quas Nuntius conventui reddidit, Fran-
ciæ Episcopis pro immoto Sedis Apo-
stolicæ vindicandæ studio grates egerit.

§. XC.

*Parisini Parlamenti contentio cum
 Clero Gallicano circa suppressam
 Stampesi censuram.*

Displicuit vehementer Parisinæ Cu-
 riæ, quam *Parlamentum* vocant,
 ab Episcopis rejectam fuisse Stampesi
 censuram, tantopere ejus placitis con-
 sonam; quocirca Curia Patres senten-
 tiam in Clerum pronuntiantes, Procu-
 ratori Regio præceperunt, ut in illos
 Præsules, qui præfatæ censuræ oblit-
 terunt, sedulo inquireret, eosque, in
 actutum urbe abfisterent, ad Senatam
 deferret. Die autem vigesima prima
 Januarii hoc addidit decretum: „His
 „diebus nuntiatum nobis, quod duo
 „famosi libelli, in quibus impia et
 „perniciosa doctrinæ contra Regis nostri
 „honorem, supremam Regni sui auctori-
 „ritatem, Regni leges & contra Re-
 „gum vitam securitatemque continen-
 „tur, in vulgus sparsi ac Parisini Præ-
 „toris jussu ac Curia sententia igni
 „traditi, atque a Sorbona damnati fuis-
 „sent. Præterea Præsules in suis co-
 „muniis congregati re cognita, ut suam
 „pie-

„pietatem, studiumque erga Religio- Sæc. XVII.
 „nem Catholicam, Regem, & patriam A. C. 1625.
 „testarentur, in hosce libellos diffama-
 „tionibus plenos censuram per Leonar-
 „dum Stampesium Carnotensem Epi-
 „scopum latine redditam die decima
 „tertia pronuntiarunt, eamque postea
 „recognitam, atque ab eis approbatam,
 „necnon a Richardo subscriptam exhi-
 „buerunt. Hæc ipsa censura sana &
 „Sacris decretis, Constitutionibus & Re-
 „gni legibus consona erat; cum autem
 „Regni hujus hostes, exteri, aliique
 „veras doctrinas publici juris fieri, ini-
 „quo ferrent animo, variis artibus,
 „habitisque cætibus novam hujus cen-
 „suræ declarationem extorserant, atque
 „præsata die agitata furtive retracta-
 „runt, necnon si non ipsammet hanc
 „censuram, saltem illius rationes in ea
 „allatas & speciatim infertas suppres-
 „serunt, eo fine, ut hac ratione infir-
 „mos decipere, illisque falsarum pro-
 „positionum, quæ in his libellis con-
 „tinentur, venenum instillare possent:
 „Hi iidem Franciæ hostes, atque ex-
 „teri, damnanda sua consilia promo-
 „turi, eo audaciæ devenere, ut non
 „sine magno Gallici nominis dedecore
 „veram Censuram a Clero conceptam
 „immutarent, inde vero Regi non leve
 „accedit damnum, eoquod nova hac
 „Cleri

Sæc. XVII. „Cleri deliberatione censura rationibus
 A. C. 1625. „patriisque legibus suffulta damnari ac
 „retractari videretur, quod Regni ho-
 „stes avidissime desiderant. „Econtra-
 „rio Cardinalis Rupifocaldius, quem Je-
 „suitæ sibi toto studio conciliaverant, in
 „suo Palatio Abbatix ad Sanctam Geno-
 „sevam quosdam Præfules congregabat,
 „eos compellens, ut censuram a Stam-
 „pesio confectam velut adulterinam,
 „& nequaquam a Clero in comitiis ad-
 „optatam rejicerent. Hoc comperto
 „confestim Curia Regio Procuratori præ-
 „cepit, ut in horum artes & consilia in-
 „quirat, omnibusque inibeat, ne de-
 „liberationes ab illa, quæ die decima
 „tertia Decembris conclusa est, alienis
 „habitori convenient, interminata lætæ
 „Majestatis pœna. Pariter omnibus
 „typographis aliisque prohibeat, ne
 „ejusmodi deliberationes scribant, ty-
 „pis edant vel divulgent: Insuper Cu-
 „ria declarabat, quod Cleri facultatem
 „alios, quam a Rege permissos con-
 „ventus celebrandi minime ratam ha-
 „beat, ac pro tuenda Regis vita, &
 „procuranda Regni tranquillitate, &
 „publica salute sese obstrictam credat,
 „ut ejusmodi mandatum Procuratori Re-
 „gio expediret. „Hoc Curix decretum
 Præsulibus quidem fuit intimatum,
 cum vero hac in re suam auctoritatem
 læti

lædi existimarent, die decima sexta & Sæc. XVII.
 septima Februarii novos celebrarunt A. C. 1625.
 conventus, in quibus rursus de hac
 censura egerunt: postera autem die Cu-
 riæ Patres novo edicto Præsulibus inhi-
 buere, ne deinceps conventus agerent,
 nec etiam contra prius edictum agitata
 intra vel extra Regnum divulgarent.
 Nihilominus Præsules die vigesima sexta
 Februarii apud Sanctam Genosivam con-
 gregati, instigante Rupifocaldio, ut me-
 moravimus, palam declararunt, quod qui-
 dem ambos infames libellos detestentur
 & condemnent, simulque censuram in co-
 mitiis latam, & die duodecima Januarii
 recognitam, approbatamque confir-
 ment, nullatenus tamen tanquam a se
 editum agnoscant quemdam latinum ser-
 monem sub hoc titulo divulgatum:
Cardinalium, Archiepiscoporum & Provin-
cialium, ceterorumque, qui ex universis re-
gni Provinciis Ecclesiasticis Comitibus inter-
fuere, de anonymis quibusdam & famosis
libellis Sententia Lutetiæ Parisiorum, apud
Antonium Stephanum Typographum Re-
gium 1625. 13. Decembris.

Propterea, hunc sermonem absque
 eorum jussu, auctoritate & scientia
 fuisse editum, nec unquam in comitiis
 visum vel prælectum declararunt, etsi
 quædam existimata Cleri declaratio a
 Richardo subscripta, atque in Curia
 senten-

Sæc. XVII. sententiis die vigesima prima Januarii
 A. C. 1625. & decima octava Februarii *subreptiis*
 pronuntiatis fuisset inferta. Huic de-
 clarationi Avrincensis Episcopus sub-
 scripserat, Carnutensis quoque & Suel-
 lionensis consensere, dummodo vicis-
 sim ceteri Præsules his propositionibus
 subscriberent. I. *In nullo casu contra*
Regem rebellare vel arma sumere licet. II.
Omnes Regi obedire tenentur, nec ulli
subditos a juramento fidei absolvere valet.
 III. *A nullo sub quocunque obtentu Regis*
exaucltorari potest. Cum autem Curia
 Patres comperiissent, quod prælati
 Præsules in privatis ædibus conventum
 habuissent, hinc die tertia Martii pro-
 ra edicta innovantes, omnes eorum
 conventus irritos declararunt, ac in-
 hibita quacunq; conveniendi facili-
 tate Præsulibus adhucdum in urbe die-
 gentibus præceperunt, quod intra die-
 rum quindecim spatium ex urbe ad
 suas Diæceses reverterentur, ni bonis
 suis temporalibus privari malint. Hoc
 Curia placito per duos Apparitores
 Præsulibus denuntiato, hi die octava
 Martii Curia Patribus hæc in verba
 responderunt: *Ego Archiepiscopus A-*
xitanus, una cum sex Archiepiscopis, ve-
ginti Episcopis, & multis aliis ex Eccle-
siastico ordine Prælati præsentibus, una
omnium voce respondeo, parlamento

auctoritatis esse contra Gallicæ Clerum, quem nos repræsentamus, placitumque e-
jusdem curiæ, quod modo per apparitores nobis innotuit, irritum plane esse, & fru-
straneum, ausum intolerabilem contra Dei cultum, contra auctoritatem Regis &
Ecclesiæ jura, quæ omnia hocce placito subverti palam est, inhibemus autem
Parlamenti Senatoribus, ne deinceps in nos ejusmodi sententias pronuntiare au-
deant, econtrario autem populo significant, ne ejusmodi decretis non sine salutis suæ a-
nimæque dispendio, & Reverentiæ Religioni debitæ damno fidem adstruant.

Sæc. XVII.
 Sæc. 1625.

Divino & humano jure permissum est E-
piscopis, ut una convenire possint pro negotiis ad Religionem spectantibus, aut ad communem
Ecclesiæ Gallicanæ utilitatem. Habemus in-
præsentiarum in privata domo conventum,
in quo de jubileo cras aperiendo, simulque de opportunis deliberabimus remediis, qui-
bis a Rege obtinere valeamus, ut præfata Parlamenti edicta, quibus Ecclesiæ Regis-
que auctoritas petitur, irrita nullaque declaret, simulque inhibeat hisce Curia Sena-
toribus, ne deinceps in nos ejusmodi edicta pronuntiare audeant. Nos interim popu-
lum monemus, ne ejusmodi decretis non sine luculento salutis animæque suæ dispendio, &
obedientiæ Religioni debitæ periculo fidem adstruat.

Sæc. XVII.

A. C. 1625.

Præterea Rupifocaldius Cardinalis librum edi curabat, in quo rationes exposuit, ob quas Stampelli censuram a Præsulibus reprobari præcepisset: cum autem in hoc libello Edmundi Richerii nomen & fama palam peteretur, aduersus illum ipsemet calamum strinxit, & Stampelli cæterorumque Præsulum honorem vindicavit.

Altera die Parlamentum contra Episcopos sequens promulgavit edictum *Declaravit, & declarat Curia, actis oppositorum insertam Episcoporum responsionem, injuriæ & Calumniæ manifestam, in eversionem legum Regno fundamentalium factam, ideoque lacerandam, cremandam palam a publico seruo reliquias.* Ordinavit insuper & ordinat Trapestum Archiepiscopum Auxitanum, & Mironum Episcopum Andegavensem prima quaque citandos, subeundis regii Procuratoris conclusionibus, quales contra ipsos discesserint, queis donec plenius satisfactum, interdicit, & interdicit eadem Curia præfatos Episcopos Episcopatum & præbendarum possessione utili, quam sub manu Regis possident interim: injungit item Archiepiscopis, Episcopis, & Clericis quibuscunque, Regi parere tanquam supremo ipsorum Domino, parlamenta agnoscant, & venerentur, in quibus sub autoritate Regis suprema jurisdictionis residet, qui contra faxit perducatur.

esto. Datum nona Martii anno millesimo Sæc. XVII.
 sexcentesimo vigesimo sexto. Die autem A. C. 1625.
 vigesima octava ejusdem Mensis Parla-
 mentum rursus edictum promulgavit;
 vi cujus Archipræsul Auxitanus, &
 Andegavensis Episcopus sequenti die
 in Curia comparere, & ad Regii Pro-
 curatoris quæstiones respondere jube-
 bantur, ceteris vero omnibus Archi-
 episcopis & Præsulibus injunctum, ut
 illico ad suas reverterentur Diæceses,
 nisi suis proventibus privari mallent.

§. XCI.

*Aliud Parisiensis Curia decretum ad-
versus Jesuitas.*

Die decima septima Martii anno se-
 quenti Curia Patres statuerunt,
 quod Jesuitæ Parisiis in tribus Collegiis
 agentes vocarentur, eisque Regia au-
 thoritate injungeretur, ut censuræ die
 prima Decembris per Sorbonam pro-
 nuntiatae adversus librum, cui titulus:
Admonitio, subscriberent, palamque
 doctrinam in eo contentam se detestari,
 testes literas ab omnibus Provinciali-
 bus, Rectoribus, & sex cujuslibet Col-
 legii Senioribus subscriptas ad Curiam
 deferrent, simulque librum ab eis com-
 ponendum, in quo doctrinam infami
 huic libello contrariam propugnant,